



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. VII. Nec vegetativæ, nec sensitivæ animæ vi Deum inveniri, cum
utraque brutis sit communis.

urn:nbn:de:hbz:466:1-10120

CAP. VII.

Nec vegetativa, nec sensitiva anima vi Deum inveniri, cum utraque brutis sit communis.

I. **Q**uid ergo amo, cum Deum meum amo? Quis est ille, super caput animæ meæ? Per ipsam animam meam, ascendam ad illum. Transibo vim meam, qua hæreo corpori, & vitaliter compagem ejus repleo. Non ea vi reperio Deum meum, nam reperiret equus & mulus, quibus non est intellectus, & est eadem vis, qua vivunt etiam eorum corpora. Psal. 31. 9.

2. Est alia vis, non solum, qua vivifico sed etiam qua sensifico carnem meam, quã mihi fabricavit Dominus, jubens oculo, ut non audiat, & auri, ut non videat: sed illi, per quem videam, huic, per quam audiam, & propria sigillatim cæteris sensibus, sedibus suis & officiis suis, quæ diversa per eos ago unus ego animus. Transibo & istam vim meam. Nam & hanc habet equus & mulus, sentiunt enim etiam ipsi per corpus.

V S V S.

Recenset S. D. quomodo Deum non inventum in rebus corporeis, quæ siverit in anima sua, & per illam. I. Quidem ait, se illum non invenisse vi vegetante. II. Nec per vim sentientem, neque enim istæ facultates assurgunt, ultra res corporeas & sensibiles, nobis cum brutis communes. Imitemur S. D. & sensibilibus relictis, ratione duce Deum quæramus.

Q 4 CAP.